

太上說中斗大魁保命妙經

爾時

泰清境太上老君 於永壽年中 與正一張天師屢慶會於
蜀都 以西斗靈文授之 以其能修謹奉行 於是

太上老君復現金身 於清虛中升玉局座

敷宣正教 而又垂言 金鉞前戮 巨天後刑

降伏魔魅 孰敢不從 執籙把符 玉女金童

延生保命 乘雲馭風 生身受鍊 度世無窮

老君是時乃宣咒曰

惟彼中央 總領四方 提攝萬象 超卓紀綱

彰善罰惡 琅函玉章 漂落萬鬼 摧折鋒鋦

度世無量 名昭彼蒼 供養尊禮 掃除不祥

太上說中斗大魁保命妙經

清微藏書閣

志心奉受 昇天翱翔 急急如律令

中斗第一赫靈度世真君

中斗第二幹化上聖真君

中斗第三冲和至德真君

太上曰 凡人持誦是經 切須

齋心虔禮 叩頭閉目 一念存神 人遊亶廓

相見濟度 救世延生 能消除殃業 滌蕩妖氛

劫劫長存 流行無疆

太上曰 惟有中斗位居五天之中 四方拱衛 尊大無極

主天元炁統領諸天 祕文洞章 天人所寶 吾今告戒

丁寧 用傳下世 濟度群迷 為世津梁 傳非其人 若

生忽慢 天真不許 繼世被殃 吾念汝能洗心澄慮 嚴潔

崇奉 孜孜不倦 終始一節 確守素志 可不為汝敷陳
敘說此中斗奧章 正一天師乃稽首作禮 諦聽敬受
老君告正一天師曰

惟彼穹蒼	位處中央	端居靜密	開列混茫
四極輔翼	大赫丕光	七政璇璣	兩曜伏襄
統攝萬象	提振紀綱	嚴校諸天	無極神鄉
三官九署	十二河源	二十八宿	三十二天
普得擁護	降福無殃	蠲除罪簿	落滅惡根
東斗主筭	西斗記名	北斗落死	南斗上生
中斗大魁	巍然至尊	天人受度	曠劫長存
三塗五苦	八難三迤	承茲正教	升入金門

老君謂正一天師曰

太上說中斗大魁保命妙經

清微藏書閣

中斗之炁	生於四斗	成始成終	造化之源
青帝護魂	白帝侍魄	赤帝養炁	黑帝通血
黃帝中主	萬神無越	青天魔王	巴元醜伯
赤天魔王	負天擔石	白天魔王	返山六目
黑天魔王	監醜朗馥	黃天魔王	橫天擔力
五帝大魔	萬神之宗	總領鬼兵	遏除群兇
旌幢寶仗	嚴駕夔龍	驅雷掣電	周遊太空
金鉞前戮	四極歸真	高尊之像	沖靈帝君
至真大聖	端拱圜列	精神存想	懇禱心願
如得監度	延福延生	但依經法	嚴奉供養
於有災之日	或於本命之日	或於三元八會之辰	
鋪設淨壇	以時果名花寶香供養		

宣告科儀 清淨身心 啟請真聖 醺謝罪業
真聖歡喜 益筭延年 無願不從 九祖生天
名籍仙都 逍遙上清

老君告正一天師曰 五方所秘靈音 吾昔傳於下世
濟度眾生 永離沉淪 為世之寶 功莫大焉

老君復告正一天師曰 五斗符相靈文 五斗真君名號
宿有道緣 方得值遇 供養尊禮 威烈靈驗
善惡災祥 應猶影響 切在專心 無得輕慢
汝宜確守精專 敬之戒之 勿忘宣布

老君付囑訖 乃昇天而去 天師頂禮拜謝
傳之於世 藏之金匱 化度無窮矣

太上說中斗大魁保命妙經

清微藏書閣

太上說中斗大魁保命妙經竟

天運辛卯年戌月正一天師清微弟子洪鼎堅羅大英恭錄彙編

韓冬複校